

## Fakkeenya waliin Fokkinnaa fi soba Shirkii-Kutaa 1

### Description

Kutaa darbe keessatti shirkii soba taâ€™uu ragaalee sammuutii fi wahyitiin ilaalle jirra. Kutaa kana keessatti Qurâ€™aana irraa fakkeenya dhyeessuun fokkinnaa fi soba shirkii caalatti ni ilaalla.

Fakkeenyi hiika wanta tokko sammuu keessatti kaleessa. Wanta jecha kumaan hubatamu hin dandeenyne fakkeenya tokko dhiyeessun haala salphaan hubachuun ni dandaâ€™ama. Kanaafi, Qurâ€™aana keessatti Rabbiin subhaanahu wa taâ€™aalaa fakkeenya garagaraa dhiyessa. Kana keessa faaydaa baayâ€™etu jira. Kan akka yaadachiisu, gorsuu, kakaasu, akekachiisu, wanta tokko mirkaneessu, wanta barbaadame sammuu keessatti kaleessu, suuraa mulâ€™atuun sammuu keessatti kaasu fi wanta dhokataa wanta mulâ€™atuun wal fakkeessu. Mee amma, fakkeenyota muraasa fokkinnaa fi soba shirkii agarsiisan haa ilaallu:

#### Shirkii akka buqqee foolii badaa qabduuti

Fakkeenya ajaaâ€™ibaa tawhiida fi shirkiiif godhame Qurâ€™aana keessatti akkanatti arganna:

﴿أَلَمْ تَرَ كَيْفَ ضَرَبَ اللَّهُ مَثَلًا لِكَلْمَةٍ طَيِّبَةٍ كَشَجَرَةٍ طَيِّبَةٍ أَصْلُهَا ثَابِتٌ وَفَرْعُعَهَا فِي السَّمَاءِ ۚ تُؤْتَى أُكُلَّهَا كُلًّا حِينَ يَأْذِنُ رَبِّهَا وَيَضْرِبُ اللَّهُ الْأَمْثَالَ لِلنَّاسِ لَعَلَّهُمْ يَتَذَكَّرُونَ ۚ وَمَثَلُ كَلْمَةٍ خَيْثَةٍ كَشَجَرَةٍ خَيْثَةٍ أَجْتَسَتْ مِنْ فَوْقِ الْأَرْضِ مَا لَهَا مِنْ قَارِ﴾

â€œRabbiin akkamitti jecha gaarii akka muka gaarii hundeen ishii gadi dhaabbataa taâ€™ee fi dameen ishii samii keessatti [ol dheeraa] taâ€™etti fakkeenya akka godhe hin argine? Yeroo hundaa hayyamaa Gooftaa ishiitiin firii ishii ni kenniti. Akka gorfamaniif jecha Rabbiin namootaf fakkeenya dhiyeessa. Fakkeenyi jecha badduu akka muka badduu gubbaa dachii irraa buqqifamtee gadi dhaabbannaah hin qabneeti. â€ Suuratu Ibraahim 14:24-26

Asitti jechi gaariin kalimaa tawhiida, â€œLaa ilaaha illa Allah (Rabbiin malee haqaan gabbaramaan hin jiru)â€ tan jettuudha. Jecha gaarii tana muka gaarii hiddi isaa lafa keessatti gadi lixee fi dameen isaa samii keessatti ol dheerateen ol fakkeesse. Mukni gaariin kuni muka temiraati. Mukni temiraatii hiddi isaa lafatti kan gadi lixeedha, dameenis samii keessatti kan ol dheeratedha. Wagga waggaan hayyama Rabbiitiin firii temiraatii ni kenna. Temirri hangam akka miâ€™aawu fi faayda akka qabu namni isa

---

dhandhame hundi ni beeka.



Mukaa fi firii Temiraa

Haaluma kanaan iimaanni fi tawhiinni qalbii keessatti gadi yoo lixe, dameen isaa ol dheerata, yeroo hundaa firii kenna. Dameen iimaanaa fi tawhiidaa, dubbi gaarii, hojii gaggaarii fi akhlaaqa (amaloota) bareedaadha. Hojiwwan kunniin hundee gadi dhaabbataa waan qabuuf yeroo hundaa gara Rabbii ol baha. Firiin isaa immoo addunyaa tana keessatti tasgabbii qalbii argachuu, Aakhiratti immoo Jaalala Rabbii argachuu fi Jannata seenudha.

Jechi badduun aayah keessatti dubbatame jecha kufriitii fi shirkii. Shirkiin akka muka badaa lafa keessaa ol buqqifamee hundee hin qabneeti. Mukni tuni muka buqheeti. Mukni buqree lafa keessatti sirritti gadi hin lixu. Gubbaa dachii irra ciisa. Foolin isaa nama jibbisiisa, nyaataafis hin tolu. Biqiltoonni akka dabaaqulaa, abaabu (waterlimon) fi kan biroo buqdeen wal fakkaachu dandaâ€™u. Garuu buqdeen fooli fi dhandhama badaa waan qabuuf nyaataf hin taâ€™u.



---

Buqqee

Haaluma kanaan jechi kufrii, shirkii fi badii qalbii keessatti hundee gadi dhaabbataa hin qabu. Dubbi badaa fi hojii fokkuu malee firiin gaariin irraa hin argamu. Hojiin shirkii gara Rabbii ol hin bahu. Abbichi addunyattis taâ€™e Aakhiratti buâ€™aa homaatu irraa hin argatu **Akkuma buqqueen raasatti gatamu, hojiin isaas jalaa gatama.** Aakhiratti mindaa homaatu irratti hin argatu.

## Fakkeenya Haqaa fi sobaa

Haqni haqa hunda caalu tawhiida. Sobni soba hunda caalu immoo shirkiidha. Mee fakkeenya haqaa fi sobaa haala armaan gadiit in Qurâ€™aanaa irraa haa ilaallu:

أَنْزَلَ مِنَ السَّمَاءِ مَاءً فَسَالَتْ أُودِيَةً بِقَدَرِهَا فَأَحْتَمَلَ السَّيْلُ زَبَدًا  
 رَّابِيًّا وَمَمَّا يُوْقَدُونَ عَلَيْهِ فِي النَّارِ أَبْتِغَاءَ حِلْيَةٍ أَوْ مَتَعَ زَبَدٌ مِثْلُهُ كَذَلِكَ  
 يَضْرِبُ اللَّهُ الْحَقَّ وَالْبَطِلُ فَامَّا الْزَبَدُ فِي ذَهَبٍ جُفَاءً وَامَّا مَا يَنْفَعُ  
 النَّاسَ فَيَمْكُثُ فِي الْأَرْضِ كَذَلِكَ يَضْرِبُ اللَّهُ الْأَمْثَالَ

â€œSamii irraa bishaan buusee sululoonni hamma isaanitiin yaaâ€™u, lolaan hoomacha olkaâ€™aa baadhata. Faaya yookiin meeshaa barbaaduun wanta ibidda keessatti hooâ€™isan (baqsan) irrattis hoomacha (xurii) san fakkaatutu jira. Akka kanatti Rabbiin [fakkeenya] haqaa fi sobaa dhiyeessa. Hoomachi goggogaa taâ€™ee ni bada. Wanti namoota fayyadu immoo dachii keessa tura. Rabbiin akka kanatti fakkeenyota dhiyeessa.â€ Suuratu Ar-Râ€™ad 13:17

As keessatti fakkeenya lamatu dhiyeefame:

**Fakkeenyi Ifaan- bishaaniâ€“** Rabbiin subhaanahu wa taâ€™aalaa haqaa fi soba akka rooba samii irraa gara dachiitti buâ€™een wal fakkesse. Ergasii sululoonni hamma isaanitiin bishaan kana ni baadhatu. Sululoonni hedduumminna sululaati. Sululli guddaan bishaan baayâ€™ee baadhata, sululli xiqaan bishaan xiqaan baadhata. Kuni akka qalbii namaati. Haqni Rabbiin irraa buâ€™ee (Qurâ€™aanni) akka rooba samii irraa buâ€™eeti. Akkuma sululaa qalbiin namootas garagara. Qalbiin gariin beekumsa baayâ€™ee qabatti, gariin immoo dhiphoodha, beekumsa baayâ€™ee hin qabattu.

â€œsululonni hamma isaanitiin yaaâ€™uâ€ Kana jechuun bishaan hamma sululaatin sulula keessa yaaâ€™a [1] Sululli guddaa fi balâ€™aa taâ€™ee bishaan baayâ€™etu keessa yaaâ€™a. Sululli xiqaan dhiphaa taâ€™ee immoo bishaan xiqaatu keessa yaaâ€™a. Roobni baayâ€™een erga roobe booda lolaan ni uumama. Garuu lolaan kuni gubbaa isaatti hoomacha ykn horofaa olkaâ€™e baadhata. Yeroo

muraasan booda hoomachi kuni bittinaaâ€™e bada. Bishaan immoo dhugaati fi jallisiif namoonni itti fayyadamu. Kan hafe immoo dachii keessa tura. Namoonni yeroo fedhanitti bishaan dachii keessa turu kana baasani itti fayyadamu. Haqni gadi dhaabbanna fi faayda isaa keessatti bishaan dachii keessa turuun wal fakkaata. Sobni immoo badiinsaa fi dhokatu isaa keessatti hoomacha lolaa irratti olkaâ€™e fakkaata. (Akkuma bishaan dachii keessa turuun namoota fayyadu, haqnis qalbii keessa turuun nama fayyada. Akkuma hoomachi yoosu baduu fi nama hin fayyanne, sobnis yoosu bada, dhaaba hin qabu, nama hin fayyadu. Shirkiin soba waan taâ€™eef kanuma fakkaata.)



**Sobni akka hoomacha  
kanaati**



**Haqni akka bishaan  
qulqulluu kanaati**

**Fakkeenya 2ffaan sibiilaâ€‘** Rabbiin subhaanahu wa taâ€™aalaa haqa sibiilli ibidda keessatti erga baqfamee booda sibila qulqulluun wal fakkeesse. Sibiilli yommuu ibidda keessatti hooâ€™ifamu ykn baqfamu hoomachi fi xuriin irraa baha. Hoomachi fi xuriin kuni erga irraa bahee booda ni deema, ni bada. Sibiilli qulqulluun immoo qulqulluu fi gadi dhaabbataa taâ€™ee hafa. **Haqa** gadi dhaabbanaa fi turiinsa isaa keessatti **sibiila** xuriin erga irraa deeme booda turuun wal fakkeesse. **Soba** immoo **xurii** ibiddi sibiila irraa oofun wal fakkeesse.[\[2\]](#) (Akkuma sibiilli erga baqfamee booda qulqulluu fi jabaa taâ€™ee turu, haqnis jabaa fi qulqulluu taâ€™e tura. Sibiila kana irraa faayaa fi meeshalee nama fayyadan hojjatu. Haaluma kanaan, haqa irraayis namoonni ni fayyadamu. Sobni immoo akka xurii ykn dandii sibiila irraa buhuuti. Akkuma xuriin sibiila irraa buhuuti homaa nama hin fayyanne, sobnis homaa nama hin fayyadu.)



**Haqni:** tawhiida, iimaana, qajeelinna Rabbii oltaâ€™aa irraa dhufee fi hojii gaggaariidha. Haqni hundarra guddaan Laa ilaah illallah (Haqaan Gabbaramaan Rabbiin malee hin jiru) kan jedhuudha.

**Sobni:** immoo shirkii, kufrii, hojii badaa, shakkii fi fedhii lubbuu badaa taâ€™eedha.

Namni haqa kanatti hojjate, faayda irraa argata, hojiin isaas ni tura, akkuma bishaan dachii keessa turuun namoonni irraa fayyadaman. Fakkeenyaaf, beektota (aalimman) Islaamaa, kan akka imaamu Ahmad, Shaafiâ€™a fi kkf mee ilaali. Aalimman kunniin wagga dheeraa dura haqa kana hordofanii jiru. Hojii irra oolchun beekumsa isaanii dhalootaaf ni dabarsan. Kanaafu, kuni haqa waan taâ€™eef ni tura.

Akkuma hoomachi bishaanii ykn xuriin sibiilaa badu sobnis ni bada. Qiyaamaan yommuu dhaabbattu, warri haqa hordofan haqatti ni fayyadamu, warri soba hordofan immoo sobni isaanii waan baduuf ni kasaaru.

Jecha biraatin warri tawhiida hordofan (Rabbii oltaâ€™aa qofa gabbaran) ni milkaâ€™u. Namoonni shirkii hordofan (Rabbiin ala wanta biraa waaqeffatan) immoo ni kasaaru. Sababni isaas, shirkiin akka hoomachaa badaa.

### Kitaabban wabii:

- [1] [Tafsiir Qurxubii-12/49-51](#)
- [2] [Ash-Shirku fil qadiimi wal hadiisi-fuula 1365](#), Abu Bakr Muhammad Zakariya

### Date Created

June 25, 2020

### Author

admin